



СЛУЖБЫ ВСЕМ СВАТЫМ, В ЗЕМЛЕ РОССИЙСКОЙ ПРОСИАВШИМ

совершаемая в Неделю 2-ю по Пятидесятнице

Творение священноисповедника Афанасия Сахарова, еп. Ковровского

На малой вечерни

На Гóсподи, воззва́х: стихиры воскресны на 4, глас 1: Вечéрняя на́ша
моли́твы: Обы́дите, лю́дие: Прииди́те, лю́дие: (зри на велицей вечерни)

Слава, святых, глас 4:

Божéственный отцы́,/ бы́сте цвéти духо́внии Рýсския
земли́,/ похвалá на́ша и утверждéние/ и всем благо-
ути́шное пристáнище:/ о вас бо земля́ на́ша хва́лится,/
стяжа́вши вас, яко неисто́щимое сокровище,/ и ны́не, áще
телéсне язык ваш умóлче,/ но чудеса́ свидéтельствуют
просла́вльшаго вас Гóспода./ Емýже моли́тесь// дарова́ти
душа́м на́шим véлию ми́лость.

И ны́не, Богородичен догматик, глас 1:

Дéвственное торже́ство днесь, бра́тие,/ да взыгра́ется
тварь, да ликовству́ет челове́чество:/ созва́ бо нас Свята́я
Богоро́дица,/ несквéрное сокровище дéвства;/ словéсный
вторáго Ада́ма рай;/ храни́лище Соеди́ния дву естеству́;/
 торже́ство спаси́тельного примирéния;/ Черто́г, в нёмже

В Неделю всех русских святых

Слово уневѣстивый плоть воистину;/ лёгкий облак, иже над Херувимы Сущаго с Тѣлом носивший./ Тоя молитвами, Христѣ Божѣ, // спаси души наша.

На стиховне едина стихира воскресна, глас 1: Страстию Твоею, Христѣ: (зри на велицей вечерни)

Таже стихиры всех русских святых, глас 8.

Подобен: О, преславнаго чудесѣ:

Стих: Бог нам прибежище и сила,/ Помощник в скорбех, обрѣтших ны зело.

О преславнаго чудесѣ!/ На Небесѣ и на землѣ радость/ днесь возсиа в память всех русских святых:/ от Ангел хвалами венчаются/ и от человек пѣния приѣмлют./ О, како в странѣ нашей подвизашася,/ како Богу угодиша,/ имиже враг падѣ лукавый, // Христу побѣждшу того.

Стих: Господь сил с нами,/ Заступник наш, Бог Иаковль.

О, преславнаго чудесѣ!/ Чудес светлостью/ солнца светлейше/ присно святѣи сродницы наши/ свѣтят концем Русския землѣ,/ от невечерняго Свѣта облистѣями,/ ихже сиянии/ облацы от страны нашей отгоняются варварстии// и дѣмони побеждаются.

Слава, глас и подобен тойже:

О, преславнаго чудесѣ!/ Христа ради подвизавыйся/ треблаженный собор русских святых/ ко врагом Святыя Руси/ всегда является оружье обоудуострое,/ пожиная сих вышѣния./ Тѣмже к нему возопиим:/ святѣи сродницы наши, покрѣйте и ныне нас, // верою почитающих вас от любвѣ всегда.

И ныне, Богородичен, глас и подобен тойже:

О, преславнаго чудесѣ!/ Небесѣ и землѣ Царица,/ от святых сродников наших умоляемая,/ до ныне землю Русскую покрывает/ и лика Своего изображѣнии милостивно обогащает./ О, Владычице Державная!/ Не престани

на малой вечерни

и на будущее время/ во утверждение на Русі Православія//
милости и чудеса изливати до века. Аминь.

Или ин Богородичен, глас 4:

Присно страна Россійская/ о Тебѣ хвалится и веселится,
имущи Тя Заступницу непостыдную/ и стену нерушимую,
не оскудей и ныне, Владычице,// избавляти Твоя люди от всех бед.

По Ныне отпускаеши: тропарь воскресен, глас 1: Камени запечатану:
Слава, святых, глас 8: Якоже плод: И ныне, глас 4: Заступнице усердная:

Тропарь святых, глас 8:

Якоже плод красивый Твоего спасительного сеяния,
земля Россійская приносит Ти, Господи,// вся святые,
в той просиявшия./ Тех молитвами в мире глубоче// Церковь
и страну нашу Богородицею соблюди, Многомилостиве.

Слава, и ныне, Богородичен, глас 4:

Заступнице усердная,/ Мати Господа Вышняго,/ за всех
молиши Сына Твоего, Христа Бога нашего,/ и всем твориши
спастися,/ в державный Твой покров прибегающим,/ всех
нас заступи, о Госпоже Царице и Владычице,/ иже в напастех,
и скорбех, и болезнях обремененных грехи многими,
предстоящих и молящихся Тебе умиленною душою/ и сокрушенным
сердцем/ пред пречистым Твоим образом со слезами/
и невозвратно надежду имущих на Тя/ избавления всех зол,
всем полезная даруй/ и вся спаси, Богородице Деве,//
Ты бо еси Божественный покров рабам Твоим.

Ектении и отпуст.



В Неделю всех русских святых



На велицей вечерни

По предначинательном псалме, Блажен муж: кафизма вся.

На Господи, воззвах: стихиры на 10, воскресны 3 и Анатолиева 1.

Глас 1.

Стих: Изведи из темницы душу мою, / исповедатися имени Твоему.

Вечерняя наша молитвы / прими, Святыи Господи, / и подаждь нам оставление грехов, / яко един еси // явлей в мире Воскресение.

Стих: Мене ждут праведницы / дондеже воздаси мне.

Обыдите, людие, Сион, / и обымите его, / и дадите славу в нем Воскресшему из мертвых: / яко Той есть Бог наш, // избавлей нас от беззаконий наших.

Стих: Из глубины воззвах к Тебе, Господи, / Господи, услыши глас мой.

Приидите, людие, / воспойм и поклонимся Христу, / славяще Его из мертвых Воскресение: / яко Той есть Бог наш, // от прелести вражия мир избавлей.

Стих: Да будут уши Твои, / внимлюще гласу моления моего.

Веселитесь, небеса, вострубите, основания земли, / возопийте, горы, веселие: / се бо Еммануил грехи наша на Кресте пригвозди / и, живот дай, смерть умертви, // Адама воскресивый, яко Человеколюбец.

на велицей вечерни

Стихиры святых 6, глас 3.

Самогласны:

Стих: Аще беззаконія на́зриши, Го́споди, Го́споди, кто постои́т? / я́ко у Тебе́ очище́ние есть.

Приидите, собори Россійстии, / сущия в странé нашей святы́я восхва́лим: / преподо́бныя, и иерáрхи, и кня́зи благове́рныя, / му́ченики и священному́ченики, / и Христа́ ра́ди юро́дивыя, / и жен святы́х сослóвие, / вку́пе имену́емая и неимену́емая, / сии бо вои́стинну де́лы и словесы́, и многови́дным жити́ем, / и от Бо́га дарова́нии / соде́лашася святии / и Русí тезоимéние святости пода́ша, / ихже и грóбы Бог чудесы́ просла́ви, / и ны́не несре́дственне просла́вляшему их Христу́ предсто́яще, / мо́лятся приле́жно о нас, // любóвию соверша́ющих свéтлое их торжество́.

Стих: Имене ра́ди Твоего́ потерпéх Тя, Го́споди, потерпé душá моя в слóво Твое́, / упова́ душá моя на Го́спода.

Приидите, правосла́вия любите́лие, / пёсненными добрóтами похва́лим богому́дрыя святители Россійския, / Христо́вы Цёркве свéтлое украше́ние, / священства венцы́, благоче́стия пра́вило, / исто́чники Божественных исцеле́ний неисчерпа́емая, / проли́тие дарова́ний духо́вных, / ре́ки мно́гих чудес, зéмлю Ру́сскую веселя́щая течéнием, / благове́рным лóдем тёплыя посóбники, / ихже ра́ди Христо́с враго́в возноше́ния низложи́, // имéяй véлию ми́лость.

Стих: От стра́жи у́тренния до но́щи, от стра́жи у́тренния, / да упова́ет Изра́иль на Го́спода.

Земля́ веселится́ и Не́бо радуется, / отцы́ преподо́бнии, / восхваля́юще по́двиги и труды́ ва́ша, / душе́вное благомо́щие и ума́ чистоту́, / зако́ном бо естества́ не победите́ся. / О, собóре святы́й и по́лче Божественный, // земли́ наша́я утвержде́ние вы есте́ вои́стинну.

В Неделю всех русских святых

Ины стихиры, глас 8. Самогласны:

Стих: Яко у Гóспода мѣлость, и мно́гое у Него́ избавле́ние:/ и Той избáвит Изра́иля от всех беззако́ний его́.

**Блаже́ннии богому́дрии кня́зие Росси́йстии,/ право-
сла́вною му́дростию сия́ющи,/ добродéтелей же свѣтлос-
тию блиста́ющи,/ озаря́ете ве́рных исполне́ния,/ бесо́в
тьму отгоня́юще;/ те́мже, я́ко прича́стники невечер́ния
благода́ти/ и насле́дия ва́шего храните́ли непосты́дныя,//
вас почита́ем, досточу́днии.**

Стих: Хвалите́ Гóспода вси язы́цы,/ похвалите́ Его́ вси
лю́дие.

**Му́ченицы Христо́вы преблаже́ннии,/ на во́льное
заколéние са́ми себе́ преда́сте,/ и зéмлю Ру́сскую кровью́
ва́шими освятите́,/ и возду́х просветите́ преставле́нием;/
ны́не же живете́ на Небесе́х,/ во свѣте невечер́нем,//
о нас всегда́ моля́щися, богови́дцы.**

Стих: Яко утверди́ся мѣлость Его́ на нас,/ и и́стина Гос-
по́дня пребыва́ет во век.

**Блаже́ннии Христа́ ра́ди юро́дивии и пра́веднии,/ в
Росси́и просия́вшии,/ вы, отверже́нием себе́ Христу́
последова́вше,/ мудре́йшим юро́дством прехитри́ли есте́
диáвола,/ сего́ связа́вше по́двиги ва́щими,/ и, бога́тство
нося́ще в души́ некра́домо,/ вся Христо́ва учéния де́лом
исполните́,/ и, ны́не на Небесе́х лику́юще,/ не преста́йте
моли́тися о Ру́сстей земли́// и о всех почита́ющих вас.**

Слава, глас 1:

**Весели́ся о Гóсподе, Русь Правосла́вная,/ раду́йся
и лику́й, ве́рою свѣтло оде́явшись,/ телеса́ подви́жников
ве́ры и свидéтелей и́стины/ в не́дрех своих иму́щи, я́ко
сокро́вище,/ наслади́ся чудес, от них истека́ющих,/ и, ви́дя-
щи полк сей святы́й,/ от ви́димых и неви́димых враго́в тя
огражда́ющий,/ благода́рно Спа́су возопи́й:// Гóсподи,
сла́ва Тебе́.**

на велицей вечерни

И ныне, Богородичен, глас 1:

Всемирную славу, / от человек прозябшую / и Владыку рождшую, / Небесную дверь воспоим, Марию Деву, / Безплотных песнь и верных удобрение: / Сия бо явися небо и храм Божества, / Сия, преграждение вражды разрушивши, / мир введе и Царствие отверзе, / Сию убо имуще веры утверждение, / Поборника имамы из Нея рождшагося Господа. / Дерзайте убо, дерзайте, людие Божии, / ибо Той победит враги, // яко Всесилен.

Вход. Свете тихий:

Прокимен дне: Господь воцарися: и чтения три.

Пророчества Исаиина чтение (глава 49, ст. 8–15):

Тако глаголет Господь: во время приятное послушах ты и в день спасения помогох тебе. И создах ты и дах ты в завет языков, еже устроить землю и наследити наследие пустыни. Глаголюща сущим во узах: изыдите! И сущим во тьме: открыйтесь! На всех путех пасться будут, и на всех стезях пажить их. Не взалчут, ниже вжаждут, ниже поразит их зной, ниже солнце, но Милуяй их утешит я и сквозе источники вод проведет я. И положу всякую гору в путь и всякую стезю в паству их. Се сии издалеча приидут, сии от севера и моря, инии же от земли Персския. Да веселятся Небеса, и радуется земля, да отрыгнут горы веселие и холми правду, яко помилова Бог люди Своя и смиренныя людей утешит. Рече же Сион: остави мя Господь, и Бог забы мя. Еда забудет жена отроча свое? Или не помилует исчадия чрева своего? Аще ли же и сих забудет жена, но Аз не забуду тебе, — глаголет Господь.

Премудрости Иисуса, сына Сирахова, чтение (глава 44, ст. 1–14):

Восхвалим убо мужи славны и отцы наша в бытии. Многу славу созда Господь в них величием Своим от века. Господствующе в царствиих своих и мужи, именити силою, советующе разумом своим, провещавши во пророчествах; старейшины людей в советех и в разуме писания людей. Премудрая словеса в наказании их; ищуща гласа мусикийска и поведающе повести во писаниих, мужи богати, обдаровани крепостию, мирно живуща в жилищих своих. Все сии в родех прославлени быша, и во

В Неделю всех русских святых

днех их похвалá. Суть от них íже остави́ша íмя, éже повéдати хвалы́. И суть, íхже несть пáмяти, и погибо́ша, я́ко не сýщии, и бы́ша я́ко не бы́вшие, и ча́да их по них. Но сии́ мýжие мило́стивии, íхже пра́вды не забвены́ бы́ша, с се́менем их пребу́дет до́брое насле́дие, изча́дия их в заветех. Оста́ся се́мя их и ча́да их по них, до ве́ка пребу́дет се́мя их, и сла́ва их не потреби́тся. Телеса́ их в ми́ре погребена́ бы́ша, а имена́ их живу́т в ро́ды. Прему́дрость их повéдят лю́дие, и похвалу́ их испове́сть Це́рковь.

Премудрости Соломоновы чтение (глава 3, ст. 1–9):

Пра́ведных ду́ши в руце́ Бо́жией, и не прико́снется их му́ка. Непщевáни бы́ша во очесе́х безу́мных умре́ти. И вмени́ся озлобле́ние исхо́д их. И éже от нас ше́ствие — сокруше́ние, о́ни же суть в ми́ре. Ибо пред лице́м челове́ческим а́ще и му́ку прии́мут, упова́ние их безсме́ртня испóлнено. И вмале́ наказáни бы́вшие, вели́кими благоде́тельствовани бу́дут, я́ко Бог искуси́ я и обре́те их досто́йны Себе́. Яко зláто в горни́ле, искуси́ их и, я́ко всепло́дие же́ртвенное, прият я, и во вре́мя посеще́ния их возсия́ют и, я́ко и́скры по сте́блию, потеку́т. Су́дят язы́ком и облада́ют людьми́, и воцари́тся Госпо́дь в них во ве́ки. Наде́ющиеся Нань уразуме́ют и́стину, и ве́рнии в любви́ пребу́дут Ему́. Яко благода́ть и мило́сть в преподо́бных Его́ и посеще́ние во избра́нных Его́.

На литии стихиры святых вси.

Самогласен, глас 8:

Гра́дуйтесь с на́ми, вси ли́цы святы́х/ и вся а́нгельская чи́нонача́лия,/ духо́вне совоку́пльшесь,/ прииде́м и воспои́м благодарную́ песнь Христу́ Бо́гу:/ се бо безчи́сленный сонм срóдников на́ших/ предстои́т Царю́ Сла́вы/ и моле́бно ходата́йствует о нас./ Сии́ суть столпи́ и красота́ ве́ры правосла́вныя;/ сии́ уче́нии, и де́лы, и крове́й изли́янии/ Це́рковь Бо́жию просла́виша;/ сии́ от всех преде́л земли́ на́шея возсия́ша,/ и ве́ру Правосла́вную в ней/ чуде́сы и зна́мении утверди́ша,/ и во ины́я страны́ пронесо́ша,/ апо́стольски ревну́юще;/ инии́ же пусты́ни и гра́ды оби́тельми святы́ми украси́ша,/ а́нгельское жити́е показу́юще;/ мно́зи ругáнии, и ра́нами, и лю́тою сме́ртию/

на велицей вечерни

от сынóв вѣка сегó искуси́шася, / мно́зи же и инѣми вѣды, /
во вся́цем чѣне подвизáвшеся, / нам терпѣния и злострада́-
ния о́браз пода́ша, / и вси вку́пе мо́лят ны́не Го́спода / от бед
изба́витися оте́честву на́шему // и всем нам спасти́ся.

Ины стихиры, подобны на осмь гласов.

Глас 1.

Подобен: О, дѣвное чѹдо:

О дѣвное чѹдо! / Исто́чницы благоче́стия / в Росси́и
явля́ются, / и путево́дителие к Небеси́ святѣи срóд-
ницы нам быва́ют. / Весели́ся, Русь Правосла́вная, / сих
оте́чество земно́е. / Возопи́м, вѣрнии, / таковы́я иму́ще
в беда́х заступники: / блаже́ннии и святѣи, / Бо́га не пре-
ста́йте о нас моли́ти, / подаю́щего ва́ми // земли́ на́шей
вѣлию ми́лость.

Глас 2.

Подобен: Егда́ от Дре́ва:

Свѣтите оте́честву ва́шему всегда́, / сла́внии чудо-
тво́рцы ру́sstии, / якоже звѣзды свѣтлыя, / покрыва́ете бо
прѣсно сие́ от па́губы враго́в / и избавля́ете озлоблѣния
и бу́ри всякия. / Тѣмже ра́достно пра́зднует, / лѣтнюю
па́мь, блаже́ннии, соверша́юще, / вѣрою и любóвию
пою́ще Го́спода, // вас просла́вльшаго.

Глас 3.

Подобен: Вѣлия мученик:

Вѣлия святыхъ Твоихъ, Христѣ, сила: / во гробѣхъ бо
лежа́ще, / дѹхи прогоня́ют / и упраздни́ша вра́жию власть, /
вѣрою Трѣ́ческою подвѣгшеся // во благоче́стии.

Глас 4.

Подобен: Дал еси́:

Дал еси́ зна́мение / боя́щимся Тебе́, Го́споди, / Крест
Твой честный, / имже тѣи, посрамѣ́вше / нача́ла тьмы и
вла́сти, / на Святе́й Руси́ / правосла́вие утверди́ша. / Тѣмже
Твое́ человеколю́бное смотре́ние сла́вим, / Иису́се всеси́льне, //
Спа́се душ на́ших.

В Неделю всех русских святых

Глас 5.

Подобен: Рáдуйся:

Приидите, Небеснии предстаителие наши, к нам, /
вашего требующим милостивнаго посещения, / и избавите
озлобленныя мучительскими прещении / и лютаго неистовства неверных, / от нихже, яко пленницы и нази, гоними
есмы, / от места на место часто преходяще / и заблуждающе
в вертепах и горах. / Ущедрите убо, прехвальнии, / и даруйте
нам ослабу, / утолите бурю / и угасите еже на ны негодование, /
Бога моляще, // подающаго вами земли нашей
велию милость.

Глас 6.

Подобен: Все отложше:

Все отложивше / житейское томление / и сладость
текущую презревше, / крест взясте, яко иго Божественное, /
и Христу последовасте, / и к Небесному покою чудно
вселитесь. / О друзи Христови, сосуди честнии, / святии
 вси, в России просиявшии, / приидите посреде нас
невидимо, / предначинающе торжество и пение / и сподобляюще
даров невещественных // ваш праздник совершающих
светолепно.

Глас 7.

Подобен: Не ктому взбраняеми:

Не лишени есмы надежды спасения, / святыя бо сродники
наша имамы, / о нас молящияся. // Господи, слава Тебе.

Глас 8.

Подобен: Господи, аще и судишу:

Господи, / аще и нам по всему подобни быша святии, /
но, пристрастия земнаго отвергшися, / любовьию к Тебе
крепко привязашася, / и, венчавшися ныне / рукою Твоею, //
предзащищают души наша.

Слава, и ныне, глас тойже, Богородичен.

Самогласен:

Срадуитесь с нами, умная чиноначалия, / духовный
совокупльше лик, / видяще Царицу и Владычицу всех, /

на велицей вечерни

многoименне вѣрными славиму:/ радуются же и дѹси праведных,/ сѹщии зрителие видѣния,/ на воздѹсе молѣбно простирающе всечестнѣи Своѣ рѹце,/ просяще умирѣния мѣру,/ и странѣ Россійстей утверждѣния,// и спасѣния душ наших.

На литии в молитве: Спасѣ, Бѹже: и в молитве же: Владѣко, Многомѣлостиве: поминает предстоятель всех русских святых (зри приложение, стр. 67).

На стиховне стихиры воскресны,

глас 1.

Страстию Твоею, Христѣ,/ от страстей свободѣхомся,/ и Воскресѣнием Твоим из истлѣния избавѣхомся,// Гѹсподи, слава Тебѣ.

Стих: Господь воцарѣся,/ в лѣпоту облечѣся.

Да радуется тварь, Небесѣ да веселятся,/ руками да восплещут языцы с весѣлием:/ Христѹс бо, Спас наш,/ на Крестѣ пригвозди грехѣ наша/ и, смерть умертвив, живѹт нам дарова,/ падшаго Адама всерѹднаго воскресивый,// яко Человеколюбец.

Стих: Ибо утверди вселенную,/ яже не подвижится.

Царь сый Небесѣ и земли, Непостижиме,/ волею распялся еси за человеколюбие./ Егѹже ад срѣт доле, огорчѣся,/ и праведных дѹши, приѣмша, возрадовашася,/ Адам же, видев Тя, Зиждителя, в преисподних, воскресе./ О, чудесѣ! Како смѣрти вкуси всех жизнь?/ Но якоже восхотѣ мир просветити, зовѹщий и глаголющий:/ воскресый из мѣртвых,// Гѹсподи, слава Тебѣ.

Стих: Дѹму Твоемѹ подобает святѣя, Гѹсподи,/ в долготѹ дний.

Жены мирносицы, мѣра носяща,/ со тщанием и рыданием грѹба Твоегѹ достигѹша/ и, не обрѣтша пречистаго Тѣла Твоегѹ,/ от Ангела же увѣдевша новое и преславное чѹдо,/ апѹстолом глаголаху: воскресе Господь,// подаѣ мѣрови вѣлию мѣлость.

В Неделю всех русских святых

Аще изволит настоятель, поем на стиховне стихиры русским святым.

Глас 2.

Подобен: Дóме Евфра́фов:

Земле́ Ру́сская, / гра́де святы́й, / украша́й твой дом, /
в не́мже Божéственный // вéлий сонм святы́х просла́ви.

Стих: Го́споди, Госпо́дь наш, / я́ко чу́дно и́мя Твое́ по
всей землі.

Церковь Ру́сская, / красуйся и ликуй, / се бо ча́да твоя́ /
Престо́лу Влады́чню // во сла́ве предстоя́т, раду́ющесея.

Стих: Святы́м, и́же суть на землі Его́, / удиви́ Госпо́дь
вся хотéния Своя́ в них.

Собо́ре святы́х ру́сских, / по́лче Божéственный, /
моли́тесея ко Го́споду / о земно́м оте́честве ва́шем // и о почи-
та́ющих вас любóвию.

Слава, глас и подобен тойже:

Но́вый до́ме Евфра́фов, / уде́ле избра́нный, / Русь Свя-
та́я, / храни́ ве́ру Правосла́вную, // в не́йже тебе́ утвержде́ние.

И ныне, глас и подобен тойже:

Вы́шнии ли́цы, / Богоро́дице Де́во, / пою́т с ни́жними, /
сла́вяще непреста́нно // Рожде́ство́ Твое́ Пречи́стое.

Ин Богородичен, глас 8.

Подобен: О, пресла́внаго чудесе́:

О, пресла́внаго чудесе́! / Небесе́ и землі Цари́ца, /
от святы́х сродни́ков на́ших умоля́емая, / до ны́не зе́млю
Ру́сскую покрыва́ет / и ли́ка Своего́ изображе́нии ми́лостив-
но обогаща́ет. / О Влады́чице Держа́вная! / Не преста́ни и
на бу́дущее вре́мя / во утвержде́ние на Руси́ Правосла́вия //
ми́лости и чудеса́ излива́ти до ве́ка. Ами́нь.

На благословении хлебов Богородице Де́во: дважды, и тропарь святых,
глас 8:

Якоже плод кра́сный Твоего́ спаси́тельного се́яния, /
земля́ Росси́йская прино́сит Ти, Го́споди, / вся святы́я,
в той просия́вша. / Тех моли́твами в ми́ре глубóце // Церковь
и страну́ на́шу Богоро́дицею соблюди́, Многоми́лостиве.